




www.BibleForChildren.org


Tigidali Nai Gagalama Nigali Side 1




Polobadu mu, te Godigo dagalu
de tɔ si gagalama nigali
sogo, hasia bolo te
tɔ dago megi subo
tiwai gilama
me ebeo.
Menio.




Te olo elaluyu, te gasagi yai tedali
elaluali. Tama te megi te tqde
bidibo nai dabe augwali te sogo
meni yai yai. Tama te be hulua
saligo te genuai wę halua sai
elalubadi, tama Godigo
Mobo Bidi te daidu
iba peyu, eda asu yai.



Tama Godigo te po wai, “Ula pedelao!” wai. Tialima, ula
pedelai. Tama tiyu, tama be posobo nogi agai poali te
“Be posobo sogo ulade.”



Tama te be hulibo nogi agai poali, te “Hulide dao,” wai.
Be huliama, tama be posobo ula pedaluyu
elama, tama te be posali deli sogo
wali, hasia sogo deli wali silali.



Nosali Godigo te po wai, “Te wẹ ugwaba sagolabo daj me deli pedelama, te wẹ si badu elalumainao,” wali. Tama te nai pedelali. Tama te daj nigilali nogi agai te “Dagalu da,” po wali. Te be huliama, te be posobo ula pedaluyu elama, tama te be posali si sogo wali silali.




Nosali Godigo te po wai, “Te dagalu dologode elalubo wẹ, te wẹ dologode elalubo tọ hania ugwaba pedalumainogo eyu, te wẹ te deli madiba me sisinigi pelama, te bulu tọ wa pomainao,” te po wai. Tama tiyu, tama te bulu tọ pedelama, tama wa pali. Tama te wa pai pedelali Godigo te nogi poali te “Tọ dao.”




Tama wẹ dabe te deliba sisinani, tama te nogi poali, te “Tamu aḷ dao.” Te Godigo aga digi te tigidali nigila silali nai wiegi yai yai sulama, te aga homu pemene wiegi yai yai.




Te tudibadu Godigo te po wali, “Te haniani te tōde
holabo nai pedalumainao, te tubo ge walobo
keba dabe me, te haniani du
walobo nedu du wai
pedelao,” po wai.




Tama te nai dabe pedelalio. Tama be huliali silama,
tama kigamu be posobo pedelai. Te be
posobo sela wabo silali dao.




Godigo te genuai ula si pedalumainogo
ilali. Genuai da, te giliga te be posobo
tonaluyu, ula mabo da, tama
dwasianu da, te polua tego da,
te hulide tonaluyu, ula mabo da.




Tama Godigo te hq dabe me
pedalumainu yai. Te be huliamas,
be posobo pedelali. Te be posobo
me si me si wabo silai dao.




Te tudibadu Godigo te po
wai, “Węde te haniani
bidibo ula elalubo nai
dabe geninama pedelao,”
po wai. “Tama te ba
hani dabe pedelama,
te dagalu tomode
bola bilaluao,” wali.
Be huliama, kigamu be
posobo pedelali. Te
be posobo a naga
wali silai dao.




Te tudibadu Godigo te po wai, “Te tōde bidabo ula
elalubo nai hauwa te tōdu pedelimainao. Te be pade
bidabo kibu dabe me, te bulude bidabo genuai
hasa dabe me, te dwasianu hasa dabe me, te
pedalumainao,” te po wai. Tama augwali pedelai.




Tama Godigo te po wai, “Megi da, dago te we bidi dena tiwai niginao,” wali. “Dago augwali te sugu dabe me, te ba dabe me, te be pade bidibo kibu dabe me, te bulude bidibo genuai hasa me, dwasianu hasa dabe, te tigidali nai tonaluabo bidi nigilinao,” te po wai. God aga digi nigali nai tigidali sulama, dwagi yai yai baso, tama aga dwagi yai homu pemene mu yai. Te be huliama, kigamu be posai. Te be posobo te nogo a naga me badu kibisa deli wali silali.




Tialima, Yawe Godigo te bidi selama, tama aga te Iden
giba muani, te aga se eyu tonalumainogo yai.



Tama Godigo bidibolo
weyu, te bomo yai po
wai, “Nago te gide
elalubo nedu du tigidali
meba tubaso, usu
yaibao. Tiali goli, nago
te nedu du te bidigo
mena kolesaga te dwagi
yai dawe, ma mena
kolesaga te dwai dawe,
te ola maiabo ebo te
nedu du te nago
munu me tulamuo.”



“Te nedu du nago tubo te
eno nage habu mu
selibao. Te nago tuali
da, teda mu tama da,
te sogo nage
isaibao,” wali.



Tialima, bidigo te be paꝓe bidibo
tigidali kibu me, te bulude bidibo
tigidali hasa sibi me, te tigidali ba
sibi me nogi mena silali. Tiali goli,
aga dali te abagi olama
tau siyu bidabo bidi me
deli te meni yani.



Tialima, Yawe Godigo te bidi piao olama, isai tiwai
elaluali. Tama bidi pila mubadi, Godigo te bidigo punali
dili me deli selama, tama te
pesagede te mi ma daꞑ walali.
Godigo te bidi punali dili sali
tego te we me deli nigilama,
tama te we te bidi
bidibo madi
odasa pali.




Tama tialima, te kolesaga pedelali, te bidigo
aya ida tagalama, tama aga we dali kęą pali,
tama augwa si deli mu pedelali, te kolesaga
da tomode megi te elalua pobao.



God aga Ogwa deli digi mu bidibao.
Tialima Godigo e tɔde bidibo we bidi
godolo mu eyu, tama augwali tau
somainogo eyu, God agai Ogwa
te e tɔba tagala palali.



1



60



Tama tiali da, tɔde we bidi augwa
homu agaba mubaso da, augwali
hagaidali weyu, augwali dwagi
yai bidabo bomo selama, bidada
peyu, bidada pomainogo,
Godigo te sɛ yai.



Rom 3:23 Magi baso meni. Da tigidali bidi dago dwai
sę yai dao, tama da tigidali te Godigo wiegi yai usu
niba kadu wabo usu menio.

Rom 6:23 Magi baso meni. Te dwai sęgo te aga sę ebo
bidi augwalibolo te pe mabo dao. Te mabo pe te isibo sę
naga dao, augwali te God dali dagalama tama aga dali
bidada peyu bidada pogobeo. Tiali goli te da te ula sabo
dolo meni yai goli, Godigo dabolo te wiegi yai olo mabo
kolesaga eyu, te sesemane sogo bidibo ula mawaibao, te
da te dago Genuai Bidi Krais Jisas dali wadolali we bidi
dabolo agai te ula olo naga mawaibao.

Hibru 9:27 Tama te tigidali we bidi dabe augwali deli deli
te deli sogo naga isaibao, te isabo sogo sa muani, tama
nosali te augwali Godigo augwali po
tų ebo madiba pedalaibao.



Efesus 2:8,9 Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krai hagede te konealubo po duga homu daꝓ olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao.

Rom 10:9,10 Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gu pagede ma hodolali seꝓe konealubo po daꝓ weyu da, teda Godigo nage ma dobola saibao.



Magi baso meni, te dago homugo te konealubo po daꝝ obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao.

Jon 3:16,17 God aga Ogwa deli digi mu bidibao. Tialima Godigo e tꝛde bidibo we bidi godolo mu eyu, tama augwali tau somainogo eyu, God agai Ogwa te e tꝛba tagala palali. Tama tiali da, tꝛde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te seꝝ yai. Godigo aga Ogwa e tꝛba tagala palali te e tꝛde we bidi po tꝛ dodolomainogo me tagala palobeo. Te menio. God aga Ogwa tagala palali da, te da tꝛde we bidi ma dobola sagasomainogo yai.



1 Jon 5:11-13 Tama Godigo aga Ogwade wali po e dao:
God agai da sesemane sogo bidada peyu, bidada pabo
bidibo ula mawai dao, tama te bidabo ula page aga
Ogwa Jisasde elalubo dao. Bidigo Godigo Ogwa dali kẹa
pali bidi, aga dali te bidibo ula elalubo dao. Tama bidigo
Godigo Ogwa dali kẹa pisawani bidi, aga dali te bidibo
ula elalubeo. Te dagego Godigo Ogwago nogide
konealubo po daɣ weyu agaba tiɣlubo we bidi, te dagego
te dwagi yai bidada peyu bidada pabo ula elalubo
konemainogo eyu, eno e po dagebolo asena tolobao.



Tigidali Nai Gagalama Nigali Side 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Dadibi Bible (mps) © 2002, Wycliffe Bible Translators, Inc.
All rights reserved.

<https://live.bible.is/bible/MPSTBL/GEN/1>

©2026 Bible for Children, Inc.

www.M1914.org

www.bibleforchildren.org

